

**ВАБОДАН
САҚЛАНИШ УЧУН
10
МАСЛАҲАТ**

Китоб:	Вабодан сақланиш учун ўн маслаҳат
Муаллиф:	Шайх Абдураззоқ ибн Абдулмуҳсин Бадр
Таржимон:	Абу Закарийя ал-Маданий
Ношири:	«Ихлос»
Саҳифаловчи:	Сайд Аҳмад
Саҳифа сони:	32 бет
Нашр:	Биринчи
«Ихлос»:	9
Тираж:	1000 дона
Тарих:	1441 ҳ. – 2020 м.
E-mail:	info@ixlos.org
Web саҳифа:	http://ixlos.org/

ВАБОДАН САҚЛАНИШ үЧУН 10 МАСЛАҲАТ

Шайх Абдураззоқ ибн Абдулмуҳсин Бадр



Бисмиллаҳир роҳманир роҳим

Дуо қилувчи музтарнинг дуосини қабул қиласиган, қўрқув исканжасида қолган ночорга ёрдам берадиган, балоларни кўтариадиган ва ғам-ташвишни кеткизадиган Аллоҳга беадад ҳамду санолар бўлсин! Қалблар фақат Унинг зикри билан тирикдир. Унинг изнисиз бирор иш рўй бермас. Ҳар қандай ёмонликдан фақат Унинг раҳмати ила халос бўлинади. Ҳар нарса Унинг марҳаматийла сақланиб туради, орзуларга У мұяссар қиласагина етилади, саодатга фақат Унга тоат-ибодат қилиш билан эришилади.

Барча мақтовлар Аллоҳгагина хос, У зотни мақтаймиз, Ундан мадад сўраймиз, Унга истиғфор айтамиз. Аллоҳдан нафсларимиз ва амалларимиз

ёмонлигидан паноҳ тилаймиз. Аллоҳ кимни ҳидоят қилса адаштирувчи йўқ, кимни адаштирса ҳидоят қилувчи йўқдир. Гувоҳлик бераманки, Аллоҳдан ўзга илоҳ йўқ, У ёлғиз ва шериксиздир. Яна гувоҳлик бераманки, Муҳаммад саллаллоҳу алайҳи ва саллам У зотнинг бандаси ва элчисидир.

Одамлар шу кунларда Корона номли вабо вирусидан даҳшатга тушаётганлари муносабати билан қўйидаги ўн маслаҳатни тақдим қилмоқчиман.

Аллоҳ азза ва жалла биздан ва дунёдаги жамики мусулмонлардан ҳар қандай бало ва вабони кўтарсин, бошимизга тушган бутун мусибат ва мashaққатларни даф қилсин, ҳаммамизни солиҳ бандаларини сақлаган нарса билан сақласин. Шубҳасиз, У бу ишларнинг эгаси ва уларга қодир Зот.

1. БАЛО ТУШГАНДА НИМА ДЕЙИЛАДИ?

Усмон разияллоҳу анҳудан ривоят қи-линади: «Мен Расулуллоҳ саллаллоҳу алайҳи ва салламнинг бундай де-ганларини эшиитдим: *«Ким уч марта: “Бисмиллаҳ аллазий ла йазурру маъа исмиҳи шайъун фил арзи вала фис-са-мааъ ва ҳувас-самеъул алийм»*», деса, то тонг оттиргунича унга кутимаган бало етмайди. Ким бу сўзларни эрталаб айтса, то кеч киргунча унга кутимаган бало етмайди» (Абу Довуд ривояти).

بِسْمِ اللَّهِ الَّذِي لَا يَضُرُّ مَعَ اسْمِهِ شَيْءٌ
فِي الْأَرْضِ وَلَا فِي السَّمَاءِ وَهُوَ السَّمِيعُ
الْعَلِيمُ.

Маъноси: «Унинг исми зикр қилинганда на ердаги ва на осмондан тушган бирон нарса зарар берга олмайдиган Аллоҳ исми билан паноҳланаман. У эшишувчи, билувчи Зотдир»

Демак, ҳозирда дунёнинг кўп жойларида тарқалаётган коронавирус етиб келмаган одам бу дуони қилса, ундан саломат қолиш эҳтимоли бор.

2. «ЛА ИЛАХА ИЛЛА АНТА СУБҲАНАКА ИННИЙ КУНТУ МИНАЗЗОЛИМИЙН» ДУОСИНИ КЎП АЙТИШ

لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ
الظَّالِمِينَ.

Маъноси: «Эй Раббим, Сендан ўзга ҳақ илоҳ йўқ. Сени жамики айб-нуқсонлардан поклайман. Шубҳасиз, мен ўз жонига зулм қилувчилардан бўлдим».

Аллоҳ таоло айтади: «**Балиқ соҳиби – Юнус ибн Матта** воқеасини эсланг. У қавмига аччиқ қилиб, уларнинг ораларидан чиқиб кетди. Буйруғига хилоф иш қилгани учун Аллоҳ уни жазоламайди, деб ўйлаган эди. Шунда Аллоҳ уни қаттиқ танглик билан имтиҳон қилди. Денгизда уни кит ютиб юборди. У қоронғиликлар – тун, дengiz ва кит қорни қоронғилиги ичра Аллоҳга тавба қилди, қавмига сабр қила олмасдан ўзига зулм қилганини эътироф этди ва Раббига нидо қилиб: «Эй Раббим, Сендан ўзга ҳақ илоҳ йўқ. Сени жамики айб-нуқсонлардан поклайман. Шубҳасиз, мен ўз жонига зулм қилувчилардан бўл-

дим», деб дуо қилди. Биз унинг дуосини ижобат қилдик ва уни бу оғир ғам-ғуссадан халос этдик. Биз иймон келтирган ва шариатимизга амал қилган кишиларга ҳам ана шундай нажот берамиз».

Хофиз Ибн Касир раҳимаҳуллоҳ «**Биз иймон келтирган ва шариатимизга амал қилган кишиларга ҳам ана шундай нажот берамиз**» оятини тафсир қиласар экан шундай дейди: «Агар улар қийин аҳволда бўлсалар ва Бизга тавба қилиб, дуо қилсалар, хусусан бало тушган пайтда шу дуо билан дуо қилсалар, уларга нажот берамиз».

Кейин Ибн Касир раҳимаҳуллоҳ Набий саллаллоҳу алайҳи ва саллам-нинг ушбу ҳадисларини келтиради: «*Кимда ким Зуннуннинг кит қорнида айтган дуоси – «Ла илаҳа илла анта*

субҳанака инний кунту миназолимийн» дуосини ҳар қандай эҳтиёжи учун айтмасин, албатта Аллоҳ унинг дуосини ижобат қиласи» (Ином Аҳмад ва Термизий ривоят қилган).

Аллома Ибн Қаййим раҳимаҳуллоҳ «Фавоид» номли китобида айтади: «Дунё машаққатларини тавҳид калимаси қайтарғанчалик бирор нарса қайтара олмайди. Шунинг учун ҳам мусибат етганды айтиладиган дуо ва Зуннуннинг дуоси тавҳид калимаси бўлди. Мусибатланган ҳар қандай кимса бу дуони қилса, шубҳасиз Аллоҳ тавҳид калимаси билан унинг мусибатини аритади. Ширк улкан ба-лою мусибатларга солади, улардан эса фақат тавҳид калимаси қутқаради. У бутун маҳлуқотнинг ёрдамчиси ва бошпанасидир. Аллоҳ тавфикс берсин».

3. БАЛО МАШАҚАТИДАН ПАНОХ СҮРАШ

Абу Ҳурайра разияллоху анхудан ривоят қилинади: «Расулуллоҳ саллаллоҳу алайҳи ва саллам бало мاشақатидан, баҳтсизлик етишидан, ёмон қазои қадардан ва душманларга кулги бўлишдан паноҳ сўрардилар».

Яна Абу Ҳурайра разияллоху анхудан ривоят қилинади: «Набий саллаллоҳу алайҳи ва саллам айтдилар: *«Аллоҳ таолодан бало машақатидан, баҳтсизлик етишидан, ёмон қазои қадардан ва душманларга кулги бўлишдан паноҳ сўранглар»* (Бухорий ривоят қилган).

اللَّهُمَّ إِنِّي أَعُوذُ بِكَ مِنْ جَهْدِ الْبَلَاءِ، وَدَرَكِ
الشَّقَاءِ، وَسُوءِ الْقَضَاءِ، وَشَمَاتَةِ الْأَعْدَاءِ.

Ўқилиши: «*Аллоҳумма инний аъузу بика мин жаҳдил балаа ва дарокиш-шақо ва суйл қазо ва шамаататил аъдаа*».

Маъноси: «Эй Аллоҳ, бало машаққатидан, баҳтсизлик етишидан, ёмон қазои қадардан ва душманларга кулги бўлишдан Ўзинг паноҳ бер».

4. УЙДАН ЧИҚИШ ДУОСИННИ АЙТИШ ВА УНГА БЕПАРВО БЎЛМАСЛИК

بِسْمِ اللَّهِ تَوَكَّلْتُ عَلَى اللَّهِ لَا حَوْلَ وَلَا قُوَّةَ إِلَّا بِاللَّهِ.

Маъноси: «Аллоҳнинг номи билан чиқаман. Аллоҳга таваккал қилдим. Аллоҳнинг хоҳиши ва мададисиз бир ҳолатдан бошқа ҳолатга ўтиб ҳам ва шу ҳолатда давом этиб ҳам бўлмайди».

Имом Абу Довуд ва Имом Термизий Анас разияллоҳу анҳудан ривоят қилган ҳадисда Расулуллоҳ саллаллоҳу алайҳи ва саллам айтадилар: «*Киши уйидан чиққан пайтида: «Бисмиллаҳи таваккалту алаллоҳ ва ла ҳавла ва ла қуввата илла биллаҳ»* деса, унга: “Ҳидоятландинг, кифояландинг ва ҳимояландинг”, дейилади. Натижада шайтонлар ундан четланади, бир шайтон бошқа шайтонга қараб: “Ҳидоятланган, кифояланган ва ҳимояланган одамга қандай кучинг етсин?” дейди» (Абу Довуд ривояти).

5. ТОНГ ОТГАНДА ВА КЕЧ КИРГАНДА АЛЛОҲДАН ОФИЯТ СҮРАШ

اللَّهُمَّ إِنِّي أَسْأَلُكَ الْعَفْوَ وَالْعَافِيَةَ

فِي الدُّنْيَا وَالآخِرَةِ اللَّهُمَّ إِنِّي أَسْأَلُكَ
الْعَفْوَ وَالْعَافِيَةَ فِي دِينِي وَدُنْيَايِ
وَأَهْلِي وَمَالِي اللَّهُمَّ اسْتُرْ عَوْرَاتِي
وَآمِنْ رَوْعَاتِي اللَّهُمَّ احْفَظْنِي مِنْ بَيْنِ
يَدَيَّ وَمِنْ خَلْفِي وَعَنْ يَمِينِي وَعَنْ
شِمَاءِي وَمِنْ فَوْقِي وَأَعُوذُ بِعَظَمَتِكَ
أَنْ أُغْتَالَ مِنْ تَحْتِي.

Маъноси: «Эй Аллоҳ, мен Сендан дунё ва охиратда афв ва оғият сўрайман. Эй Аллоҳ, мен Сендан динимда, дунёйимда, оилам ва молимда афв ва оғият тилайман. Эй Аллоҳ, менинг айбларимни беркит, қўрқувимни кетказ. Эй Аллоҳ, мени олдимдан ҳам, ортимдан ҳам, ўнгимдан ҳам, чапимдан ҳам, те-

памдан ҳам Үзинг сақла! Улуғворлигинг ила оёғим остидан қўққисдан ҳалокатга учрашдан (ер ютишидан) паноҳ бер».

Абдуллоҳ ибн Умар разияллоҳу анҳумодан ривоят қилинади: «Расуллурроҳ саллаллоҳу алайҳи ва саллам тонгда ва кечқурун қуидаги сўзларни айтиб дуо қилишни канда қилмас эдилар: *«Аллоҳумма инний асъалука ал-афва вал-аафия фид-дунйа вал-аахироҳ. Аллоҳумма инний асъалука ал-афва вал-аафия фий дийни ва дунйая ва аҳлий ва маалий. Аллоҳумма устур авротий ва аамин ровъаатий. Аллоҳумма ихфазний мин байни ядайя ва мин холфий ва ан яминий ва ан шимаалий ва мин фавқий. Ва аъзузи би азоматика ан уғтаала мин таҳтий»* (Имом Аҳмад ва бошқалар ривояти).

6. КҮП ДУО ҚИЛИШ

Абдуллоҳ ибн Умар разияллоҳу анхұмодан ривоят қилинади: «Расулуллоҳ саллаллоҳу алайҳи ва саллам айтдилар: *«Қай бирингиз учун дуо әшиги очилған бүлса, унга раҳмат әшиклари очилибди. Аллоҳ учун “Эй Аллоҳ, менга оғият бер” деб қилинған дуодан күра севиклирөк дуо йүқ».*

Расулуллоҳ саллаллоҳу алайҳи ва саллам дедилар: *«Дуо тушған мусибатда ҳам, ҳануз тушмаган мусибатда ҳам фойда беради. Эй Аллоҳнинг бандалари, дуо қилинглар»* (Термизий ва бошқалар ривояти).

اللَّهُمَّ إِنِّي أَعُوذُ بِكَ مِنْ زَوَالِ نِعْمَتِكَ،
وَتَحْوُلِ عَافِيَتِكَ، وَفُجَاءَةِ نِقْمَتِكَ،
وَجَمِيعِ سَخَطِكَ.

Үқилиши: “Аллоҳумма инний аъузу بика мин заваали неъматика ва таҳаввули аафиятика ва фужаати ниқматика ва жамийъи сахатик”.

Маъноси: «Эй Аллоҳ, неъматинг нинг йўқ бўлишидан, оғиятинг кетиб, ўрнига бало келишидан, тўсатдан балойинг келиб қолишидан ва ғазабинг сабаб бўладиган барча ишлардан ўзингдан паноҳ сўрайман» (Имом Муслим ривояти).

اللَّهُمَّ إِنِّي أَعُوذُ بِكَ مِنَ الْبَرَصِ، وَالْجُنُونِ،
وَالْجُذَامِ، وَمِنْ سَيِّئِ الْأَسْقَامِ.

Үқилиши: “Аллоҳумма инний аъузу бика минал-бараси вал-жунуни вал-жузаами ва мин саййиил-асқом”.

Маъноси: «Эй Аллоҳ, песликдан, жинниликдан, моховликтан ва бутун

ёмон касалликлардан ўзинг паноҳ бер»
(Абу Довуд, Насойй ва бошқалар ривояти).

7. ВИРУС ЙОҚИШИ ЁКИ КЕНГ ТАРҚАЛИШИННИГ ОЛДИНИ ОЛУВЧИ ЧОРА-ТАДБИРЛАР КҮРИШ

Абдуллоҳ ибн Омир разияллоҳу ан-худан ривоят қилинади: «Умар разияллоҳу анҳу Шом диёрига сафарга чиқди. Сарғга етганида Шом диёрида вабо тарқагани ҳақида хабар эшиитди. Шунда Абдураҳмон ибн Авғунга Расулуллоҳ саллаллоҳу алайҳи ва салламнинг *«Агар бирор ерда вабо тарқалганини эшиитсангиз у ерга борманг, агар сиз турган жойда вабо тарқалса, ундан қочиш учун у ердан чиқманглар»*, деганларини айтиб бер-

ди. Бу ҳадис мусулмонлар карантин масаласида дунё халқларидан ўнлаб аср ўзиб кетганига далолат қиласи. Чунки шу ҳадис айтилган пайтдан бошлаб вабо тарқалган жойларда карантин эълон қилинган. Аммо бошқа халқлар буни 20 асрга келиб билдилар.

Лозим кўрилган пайтда карантин қилиш шариатимизда мумкин бўлган ишлардан. Агар карантин қилмаслика бошқалар учун зарар бўладиган бўлса, унинг ҳукми вожиб даражасига кўтарилади. Абу Ҳурайра разияллоҳу анҳу ривоят қилган ҳадисда Расулуллоҳ саллаллоҳу алайҳи ва саллам айтдилар: «*Касал туяси бор одам соғлом туяларини суғораётган одам билан бирга суғормасин*» (Бухорий ва Муслим ривояти). Ҳадисда касал юқиб қолмаслиги учун касал туялар-

ни соғлом туяларга аралаштиришдан қайтарилган.

Шунингдек, вирусдан сақланиш учун саломатлик ва гигиена қоидалариға қатый риоя қилиш лозим. Шахсий озодаликка, уй ва ҳовли тоғалигига риоя қилиш, уй ва хоналарни тез-тез шамоллатиб туриш, айниқса, қўлларни тез-тез совун билан ювиб туриш лозим. Зарурат бўлмаса одамлар тўпланадиган жойларга бормаслик, лифт тугмалари, умумий ҳожатхона ва ошхоналардаги эшик тутқичлари ёки сув жўмраклари каби кўпчилик томонидан ишлатиладиган нарсаларни қўл билан ушлагач, албатта, қўлларни совунлаб ювиш ёки одеколон ёки спиртли салфеткалар ёрдамида тозалаб туриш тавсия этилади. Йўталганда ёки аксирганда оғизни салфетка билан ёки тирсак

билин тусиши ҳам муҳим талаблардан бири ҳисобланиб, вирусга чалинган кишилар тарафидан унинг бошқаларга ҳам юқишининг олди олинган бўлади, иншааллоҳ. Ундан ташқари грип ёки бошқа бирон юқимли қасалликка чалинган хасталар жамоат жойларига чиққанларида тиббий маска кийиб чиқишилари лозим. Мутахассисларнинг таъкидлашича, мазкур ҳолатларда барчанинг маска кийиб юриши шарт эмас.

Бундай пайтларда ваҳимага тушмаслик, ҳар бир ишнинг тақдирда битилганига, қисматдан қочиб қутилиш имконсиз эканига иймон келтириш мусулмон кишидан талаб қилинган энг муҳим ишлардан биридир. Зоро, ҳар бир иш Аллоҳнинг қўлида бўлиб, у зот илми ва ҳикмати ила ишларни тақдир қиласди.

Дунё бўйлаб тарқала бошлаган коронавирус балоси асносида кузатилган ишлардан бири кўпчилик инсонлар, жумладан мусулмонлар ҳам озиқ-овқат ғамлашга киришиб кетдилар. Одамлар эҳтиёжидан ўн чандон ошиқча озиқ-овқатларни уйларига таший бошладилар. Натижада, жойларда дўконлар расталари озиқ-овқатлардан, кундалик эҳтиёж молларидан бўшаб қолмоқда. Бу ўз навбатида озиқ-овқат тақсимотида мувозанат бузилишига, моддий имконияти чекланган инсонларнинг кундалик зарурий озиқ-овқат маҳсулотларини харид қилишда қийинчилкларга дуч келишига сабаб бўлмоқда. Албатта, бу каби ишлар ризқقا иймон келтирган, зарурий озиқ-овқатлар монополияси билан шуғулланиш ва ўзгаларга зарар бериш ҳаром эканини билган му-

сулмон кишига асло ярашмайдиган хатти-харакатлардир. Бундай ишлардан узоқ туриш ва ваҳимага берилиб жамиятга зарар келтиришдан четланиш лозим.

Шунингдек, бу каби ҳолатларда ва умуман ҳар қандай ҳолатда одамлар ўртасида асоссиз хабар ва мишмишлар тарқатиш, натижада халқнинг машаққатга тушишига сабабчи бўлиш катта гуноҳ саналади.

8. ЯХШИ ИШЛАР ҚИЛИШ

Анас разияллоҳу анҳудан ривоят қилинади: Расулуллоҳ саллаллоҳу алайҳи ва саллам айтдилар: «*Яхши ишлар ёмон оқибатлардан, оғатлардан ва ҳалокатлардан сактайди. Дунёда яхшилик қилувчилар охиратда ҳам ях-*

шилик эгалари бўладилар» (Ҳоким ривояти).

Ибн Қаййим раҳимаҳуллоҳ айтади: «Касалликнинг энг фойдали даволаридан бири яхшилик, эҳсон, зикр, дуо, таззарру ва тавба қилиш, Аллоҳга ёлборишдир. Бу ишларнинг касалликни даволаш ва касалнинг соғайишида табиий дорилардан кўра таъсири кўпроқ. Бироқ бу – қалбнинг тайёрлиги, қабул қилиши ҳамда бу нарсалар ва уларнинг фойдаси ҳақидаги эътиқодга қараб бўлади» («Зодул маод»).

9. ТУНДА НАМОЗ ЎҚИШ

Билол разияллоҳу анҳудан ривоят қилинади: Расулуллоҳ саллаллоҳу алайҳи ва саллам айтдилар: «*Taxaj-*

жуд намозини ўқинглар, чунки у ўтган солиҳларнинг одати, Аллоҳга яқинлашув, гуноҳдан қайтарувчи, хатоларга каффорат ва бадандан дардни кетказувчиидир» (Аҳмад ва Термизий ривояти. Албоний сахих деган).

10. ИДИШЛАРНИ ЎРАБ ҚЎЙИШ ВА СУВ САҚЛАНАДИГАН ИДИШЛАРНИНГ ҚОПҚОГИНИ ЁПИШ

Жобир разияллоҳу анҳудан ривоят қилинади: Расулуллоҳ саллаллоҳу алайҳи ва салламнинг бундай деганларини эшийтдим: «*Идишларни ўранглар, мешларнинг оғзини боғланглар. Ҳар йили вабо тушадиган бир кеча борки, қопқоқсиз идиш ёки оғзи боғланмаган мешнинг устидан ўтса,*

албатта унга ўша вабодан тушади»
(Муслим ривояти).

Иbn Қаййим раҳимаҳуллоҳ айтади: «Бу табибларнинг илм-маърифати етмайдиган илмдир» («Зодул маод»).

Сўзимизнинг охирида айтамизки, ҳар бир мусулмон ишини Аллоҳ азза ва жаллага топширсин, Унинг фазли марҳаматини умид қилсин ва Унгагина таваккал қилсин, Унинг қазои қадарига иймонини яна бир бор янгилаб олсин. Зеро, ишларнинг бари Унинг қўлида ва бошқарувида. Кимга мазкур касаллик етса, Аллоҳнинг мана бу сўзларини эсга олсин:

﴿قُلْ لَنْ يُصِيبَنَا إِلَّا مَا كَتَبَ اللَّهُ
لَنَا هُوَ مَوْلَانَا وَعَلَى اللَّهِ فَلِيَتَوَكَّلَ
الْمُؤْمِنُونَ ﴾



«Эй Пайғамбар, ўша қўрқоқларга дашном ва танбех бериб айтинг: «Бизга фақат Аллоҳ тақдир қилган ва Лавҳул-маҳфузда битиб қўйилган нарсагина етгай. Унинг ўзи бизга душманларимиз устидан ёрдам берувчи-дир. Мўминлар ёлғиз Аллоҳнинг ўзига суюнсинлар!» (Тавба, 51). Касалликни сабр ва ажр умидида қарши олсин. Аллоҳ азза ва жалла сабр қилган ва ажру савоб умид қилганларга улкан ажрларни ваъда қилган:

﴿إِنَّمَا يُؤْفَى الْصَّابِرُونَ أَجْرَهُمْ بِغَيْرِ
حِسَابٍ﴾

«Сабр қилувчиларга охиратда савоблари чексиз, ҳисобсиз, саноқсиз берилгай» (Зумар, 10).

Мусулмон одам Аллоҳ тақдир қилған нарсани рўй бергандан кейингина билади. Қадар ғайб ишларидан ҳисобланади. Шунга кўра мусулмонлар ҳар бир ишга элтувчи сабабларга риоя қилишга буюрилганлар. Сабабларни қўллаш қадарга ҳам, таваккалга ҳам зид эмас. Коронавирусга қарши эҳтиёт чораларини кўриш Аллоҳ азза ва жаллага таваккал қилишнинг тўлдирувчисидир. Сабабларни қилғандан кейин ҳам Аллоҳ азза ва жалла бирор кимсага шу вирус туфайли вафот этишни битган бўлса, Аллоҳ олдидаги ажри улуғдир, иншааллоҳ.

Ойша разияллоҳу анҳодан ривоят қилинишича, у Набий саллаллоҳу алайҳи ва салламдан ўлат (вабо) ҳақида сўрайди. Набий саллаллоҳу алайҳи ва саллам унга қўйидагича жавоб қиласидилар: «*У Аллоҳ истаган бандалари*

га юборадиган азоб эди. Кейин Аллоҳ уни мўминлар учун раҳмат қилди. Қай бир мўмин яшаб турган юртда вабо тарқаса ва у ўз юртида сабр қилиб, унга фақат Аллоҳ ёзган нарса етишини билиб яшаса, унга шаҳид ажричалик ажр бўлади» (Бухорий ривояти).

Аллоҳ субҳонаҳу ва таолодан барчамизни Ўзи яхши кўрадиган ва рози бўладиган яхши амал ва гўзал сўзларга муваффақ қилишини сўраймиз. Аллоҳ ҳақни гапиради ва тўғри йўлга бошлайди.

Ёлғиз Аллоҳга ҳамду санолар ва Пайғамбаримизга салавоту саломлар бўлсин.

МУНДАРИЖА

1. Бало тушганда нима дейилади?.....	7
2. «Ла илаха илла анта субҳанака инний кунту миназзолимиин» дуосини күп айтиш	8
3. Бало мاشаққатидан паноҳ сўраш	12
4. Уйдан чиқиш дуосини айтиш ва унга бепарво бўлмаслик	13
5. Тонг отганда ва кеч кирганда Аллоҳдан офият сўраш.....	14
6. Кўп дуо қилиш.....	17
7. Вирус юқиши ёки кенг тарқалишининг олдини олувчи чора-тадбирлар кўриш.....	19
8. Яхши ишлар қилиш	24
9. Тунда намоз ўқиши.....	25
10. Идишларни ўраб қўйиш ва сув сақланадиган идишларниң қопқоғини ёпиш	26

Шайх Абдураззок ибн Абдулмуҳсин Бадр

**Вабодан сақланиш учун
ўн маслаҳат**

1441 ҳ. – 2020 м.

© Ixlos, 2020

